

# Aruba lo haña su kolekshon arkeologiko bek for di Antia

**WILLEMSTAD** -- E arkeologikonan hoben Arubiano Raymundo Dijkhoff i Harold Kelly huntu ku asistente Hiram

Angela di Museo Arkeológiko Aruba, a hasi siman pasa un bishita di trabou na Museo National di Arkeologia i Antropologia (NAAM) na Kòrsou.

Esaki komo preparashon di un futuro entrega di artefaktonan históriko di Aruba.

Na 1983, despues di intermediasion di Minister Plenipotensiaro i e anterior AAINA a debolbé e kolekshonnan importante aki dor di Volkenkundig Museum di Leiden na pais Antia.

Awor, despues di kasi 25 aña nan a wòrdu inventarisá, a saka portrèt i empaketá asina ku dor di intervenshon di NAAM i despues di aprobashon di Konseho di Minister por wòrdu traspasá na isla di Aruba.

E ta bai pa obranan hopi importante di arkeológikonan di tempu ei, manera sientifikonan Josselin de Jong di ekskavashon na 1923,

Van Heekeren i Du Ry for di añanan 1960 i Boerstra na kuminsamentu di añanan 1970. NAAM di su parti ke hal'é atenshon un biahe mas riba e

hecho ku miéntras na Aruba tin un bon tim di arkeólogo na Kòrsou no tin su propio arkeólogo.

Riba e portretina por mira

Hiram Angela, sakando portrèt di diferente piesanan di kerámika i Raymundo Dijkhoff i Harold Kelly dialogando riba e tema.